



SAKSPAPIR

Saksnr	Utval	Type	Dato
84/2017	Kommunestyret	PS	13.11.2017

Sakshandsamar	Arkiv	ArkivsakID
Sølvi Legård	FE - 614, FA - A20	16/1583

MODULSKULE

Kommunestyret - Sak 84/2017

KOM - Behandling:

Saka vart tatt opp i møtet.

Følgjande forslag var oversendt frå Kjartan Haugsnes pr epost den 10.11.2017:

"Forslag frå SV

Viser til brev frå Marius Kvamme Tollefsen, Edvin Hesjedal og Dag Tore Roe som sendt kommunestyret sine medlemmer 09.11.2017 med overskrifta, «Vedrørande modulsule»

SV er av den oppfatning at fleire moment som kjem fram i dette brevet bør utgreiast av administrasjonen og leggjast fram for dei folkevalde. Det er vanskeleg å sjå for seg ei realitetshandsaming av innhaldet i brevet i kommunestyret sitt møte 13.11.2017. Men kommunestyret kan oversende brevet til administrasjonen og be om eit notat/sak til formannskapet 27.11.2017

Det som mellom anna er viktig å få svar på er følgjande:

«I standard for kommunal regnskapsføring heiter det mellom anna i KRS nr 2 pkt 3.1 nr 5 at «utgifter til klargjering for investering» kan førast over investeringsbudsjettet. For at Vaksdal kommune skal kunne realisere investeringa om å byggje ny skule på eksisterande tomt, er denne «klargjeringa» med modulsular heilt naudsynt.»

I formannskapet sitt budsjettseminar har SV tinga ein fullstendig oversikt over kostnader til modulsule, kva som kan takast som investering og kva som må takast på drift. Vi tenker dette kan vere med i eit slikt notat ein her ber om.

Nytt i saka er og ei løysing for SFO på Vaksdal – og for den del på Dale. Om ein innan same kostnadsbilete kan etablere ein modulsule på Dale i to år med plass til SFO og flytte denne til Vaksdal i to år inkludert SFO vil dette i alle høve vere den beste løysinga for alle partar. Det føreligg pt. ikkje ei løysing for SFO på Vaksdal i byggeperioden.

Etter SV si meining er fordelane med ei slik løysing så store at det er verdt å bruke dei naudsynte to vekene på å utgreie. Forslag vert satt fram i høve kommunelova § 34.2

Konkret forslag til realitetshandsaming i kommunestyret 13.11.2017:

1. *Kommunestyret ber administrasjonen greie ut ei løysing for modulskule lokalisert på Dale og på Vaksdal innanfor den kostnadsramma som er sett i høve tidlegare vedtak. Ei slik utgreiing vert lagt fram for formannskapet sitt møte 27.11.2017. Tiltaket må ikkje gje vesentleg auke i kostnadene for kommunen i driftsbudsjettet*
2. *Kommunestyret delegerer endeleg vedtak om plassering av modulskule til formannskapet."*

Kjartan Haugsnes gjorde nærare greie for forslaget.

Rådmannen v/einingsleiar Samfunnsutvikling orienterte.

Heidi Rongved ba om gruppemøte.

Etter gruppemøtet gjorde ho greie for gruppa sitt syn, som går på at dei vil støtta SV sitt framlegg med følgjande tilleggspunkt:

3. *Administrasjonen arbeider vidare med førebuingsarbeidet før anbud.*
4. *Saka vert sendt til revisjonen for kvalitetssikring av forholdet drift/investering:*
 - *Kva kan førast på investering?*
 - *Kva må førast på drift?*

Røysting:

Det vart først røysta over Kjartan Haugsnes sitt framlegg som vart samrøystes vedteke

Det vart så røysta over Heidi Rongved sitt framlegg punkt for punkt:

Punkt 3 Samrøystes vedteke

Punkt 4 Samrøystes vedteke

KOM - Vedtak:

1. Kommunestyret ber administrasjonen greie ut ei løysing for modulskule lokalisert på Dale og på Vaksdal innanfor den kostnadsramma som er sett i høve tidlegare vedtak.
Ei slik utgreiing vert lagt fram for formannskapet sitt møte 27.11.2017. Tiltaket må ikkje gje vesentleg auke i kostnadene for kommunen i driftsbudsjettet
2. Kommunestyret delegerer endeleg vedtak om plassering av modulskule til formannskapet
3. Administrasjonen arbeider vidare med førebuingsarbeidet før anbud
4. Saka vert sendt til revisjonen for kvalitetssikring av forholdet drift/investering:
 - Kva kan førast på investering?
 - Kva må førast på drift?